

外科
卷五

沈氏

瘍醫集繩卷之五

金壇

王衛堂守泰輯

諸腫

無名腫毒者不拘於頭面手足胸腹等處焮赤腫硬結核疼痛
又名腫瘍又名虛瘍也但腫無頭無面者俱是也腫勢盛者以
稜針刺去惡血切不可用火針烙之惡寒發熱或頭疼或拘
急宜表散之以荆防敗毒散腫勢盛裏實者追疔奪命
湯無表裏證腫勢盛者以兩面龜散若暴發赤腫切不可
以針破只宜以洗腫方淋洗以八仙膏解毒丸等藥塗之若
急切卽用金腦香葉田茶菊搗酒煖服以渣敷患處以汁刷患
處尾秋骨處結毒如桃李之大紅赤焮痛不能行動此名病

蝮用芙蓉葉搗酒炒縛爛者以蝮尾殼火煨存性爲末用麻油調搽卽愈大効 紫游虛瘍用魚苞子根煎水入酒和服又以水荔花葉赤子葉搗刷有熱者以追疔奪命湯加雞屎子雞距根 手背腳背腫大有赤痕如蝮之狀名病蝮證也用油炒鹽糟令香以熱湯淬之泡湯乘熱淋洗之卽消要服疰瘍藥 膝內臙近摺紋之處結核腫痛但核形長如魚之狀名上水魚以稜針亂刺去惡血以椿枯雷廷藤山樟子葉搗糟炒縛之又用山雷廷藤赤牛膝山蘇木椿枯搗鹽糟炒縛又方雷藤鼈尿藤根皮搗糟炒縛之又方魚苞子椿枯搗糟炒縛之又方山雷廷根皮椿枯搗糟炒縛及用七聖膏敷之却以九金六馬散服之遍身起如風疹疥丹之狀其色白不痛但搔痒抓之起白塊

名曰蛇虱用油穢田肥株山樺子葉檳榔葉柏葉煎水入些醋洗之又方只用怕葉一味煎水洗更速也要服苦參九臘礬九金銀皂角九脚背或脚趾腫痛不可忍以脚高懸起其疼方止些若以脚垂下其疼不可當也名曰倒拔腫瘍先用兩面龜一味煎酒服次服兩面龜散如不應以蛇薯磨酒服大効耳中疼痛不可當者名曰腦裏虛瘍宜以金腦香根或葉搗爛入井水少許濾去渣入片腦半分研勻滴入耳中卽効又用根磨薄荷湯入少酒和服又用金雞舌苦參青木香金鳳尾搗水入片腦少許和勻濾淨滴入耳中又服兩面龜散及以水埒子根煎水入酒和服紫遊風用紫茶根皮搗水刷又方加紅心蜈蚣小金錢豆瓣草馬蹄草金鶯葉尾搗水入些醋煖刷之

附方

兩面龜散 治一切腫瘍焮赤無名腫毒疼痛者

兩面龜

雞尿子

雞距根

詐死子

真珠美

山烏豆

紫金皮

脫殼藤

魚桐根

山淡豉

連義大青

沿地雞距

右水煎入酒和服 發熱加水炒根言面消 骨裏痛加紫

金藤馬蹄金鉄馬鞭 又方加白朮待根山芙蓉根山芋根

川山蜈蚣

雞尿子散 治虛癆

雞尿子

詐死子

冬青根

楊香根

右水煎入酒和服

退熱消毒散

治無名腫毒發熱者

雞尿子

雞胆根

水圻根

臭木待

白根子

山烏豆

苦花子

紫金藤

金腦香

吉面消

連義大青

落鴉爪藤

大葉小青

迴山龍梗

大葉金涼傘

右薄荷煎服

天花刮毒散

治一切腫毒炊赤疼痛

天花粉

黃檗各叁兩

南星

赤芍藥

薑黃

各壹兩

爲末井水調入些醋和煖刷患處夏月冷刷亦可

退腫消核散

治一切無名腫毒及結核赤腫者

艮脚根

肆兩

紫金皮

樟柳根

各壹兩

右爲末用毛屎梯葉生地黃苦薄荷金腦香金鳳尾地薄荷
赤薺子尻池葉不拘二三味取葉搗米泔水入醋少許調勻
煖刷 又方單用艮脚一味爲末以主赤樟柳根磨米泔調
塗更妙

消腫切毒散 治一切無名腫毒虛瘍等毒

毛屎梯葉染雞屎子葉 右末用米泔水調溫刷

又方 生樟柳根爲末米泔水調溫刷或以毛屎梯葉同刷亦
妙

丹卒腫起大痛芫青根大者杵之和苦酒如泥煮三沸帛上包

之葛氏 風毒腫三年苦酒濃煎葱白以布包熨腫上外臺秘要 治

一切熱毒腫商陸根和鹽少許傅之日再易孫真人食忌 治一切

毒腫疼痛不可忍者搗草麻仁傅之立効

肘後方

治腫蒺藜子

壹升炒黃柞細以香油和如泥再炒令焦以舊布如腫之大小

攤之貼腫上勿開頭搭上

外臺秘要

治惡刺及狐狸刺毒腫取蒲

公英草根白汁傅之多塗立瘥余七月十五日夜左手中指背

指著庭水痛不可忍十日後瘡日深漸高大痛欲死用此而安

孫方

經患熱腫水研山豆根濃汁塗乾再塗

衍臘月中以新瓦罐滿注熱水用朴硝貳升投湯中攪散掛北

簷下俟稍滲出罐外却收之以人乳汁調半盞掃一切風熱毒

氣攻注目臉及發頭面四肢腫痛應手神効

山腫毒或疼痛處以赤小豆爲末水調傅頻換或用香白芷水

調傳尤妙 又方白芙蓉葉晒乾同皂角為末水調傳

丹治諸處皮裏面痛何首烏末薑汁調膏以帛裹於痛處火炙

皮鞋底熨之妙

經驗方

治一切赤腫但癰毒結未成者並可消

右用黃蜀葵花子不拘多少研細滴水令稀稠得所將絹帕子裹定旋挹所餘汁撲腫所四畔數撲之

犀角飲 治諸風腫

犀角

壹錢

玄參

連翹

柴胡

去苗各半兩

升麻

木通

各柒錢半

芒硝

生用

麥門冬

去心各壹兩

沉香

檀香

射干

甘草

各貳錢半

右剉碎每服伍錢七水壹盞半煎至捌分去滓食後溫服及

夜食後各一服利多即減一名犀角湯無檀香

熨風散 治諸瘡因風致腫

羌活

防風

白芷

吳茱萸

細辛

當歸

芍藥

芫花

官桂

各等分

右為麤末作壹劑赤皮蔥連鬚細切半斤同醃醋拌勻炒令極熱帛裹於瘡上熨之稍冷即換藥再熨之上下痛止

蠶沙熨方 治風腫

晚蠶沙

鹽 各不拘多少

右相和炒熱布裹熨之冷即再炒各入醋少許尤佳

水澄膏 治熱腫痛大効

大黃

黃礬

欝金

天南星

白芨

朴硝

黃蜀葵花

各壹兩

右為細末每用新水壹盞半藥末貳錢攪調勻候澄底者去浮水以紙花子攤於腫癰處貼之如急燥津唾潤之此藥除熱毒赤腫神効如皮膚白色者勿用之

○石癰石疽

謂癰疽腫硬如石久不作膿者是也

犀角湯

治石癰熱毒氣盛腫硬疼痛口乾煩悶

犀角

銚

木香

各柒錢半

連翹

梔子仁

射干

當歸

切

升麻

赤芍藥

玄參

枳殼

炒

甘草

生各壹兩

大黃

炒貳兩

右剉碎每服叁錢水壹盞煎至陸分去滓不拘時溫服

黃連散 治石癰結硬發熱紫赤色毒氣攻衝未定日夜疼痛

宜用此消腫化毒止痛

黃連

川大黃 生

白歛

馬牙硝

黃檗

各壹兩

麒麟竭

青鹽

各半兩

赤小豆

半合炒熟

杏仁

肆拾玖粒湯浸去皮尖研

右為細末蜜水調塗乾即易之

大黃散

治石癰腫硬疼痛心腹煩悶不得宣暢

川大黃

壹兩炒

川芒硝

黑豆皮

枳殼

去穰麩炒各半兩

牛蒡子

微炒

當歸

芎藭

各貳錢半

甘草

生剉半兩

右剉碎分作三服每服水壹盞煎至伍分去滓不拘時溫服

以利為度

治石癰堅如石未作膿者

右用生商陸根不拘多少熟搗傅之乾即易取軟為度及治濕漏諸瘡癰羊城人用此方取効者多

沉香湯 治石疽腫毒結硬口乾煩熱四肢拘急不得卧

沉香

防風

去

木香

各柒錢半

麥門冬

去心

當歸

焙切

枳殼

炒

獨活

去蘆

麝羊角

屑

升麻

玄參

地骨皮

赤芍藥

甘草

生剉各壹兩

大黃

剉炒貳兩

右剉碎每服肆錢水壹盞半煎至柒分去滓不拘時溫服

○瘰癧

風疽

瘰癧者肉中忽生點子如豆粒小者如黍粟極者如梅李或赤或黑或青或白其狀不定有根不浮腫痛傷之應心恨深至肌

經久便四面悉腫炮黯熟紫黑色能爛壞筋骨若毒散逐脉入
臟殺人南人名爲揚着毒厚肉處卽割去之亦燒鐵烙之令焦
如炭或灸百壯或飲葵根汁或飲藍青汁若犀角汁及升麻汁
竹瀝黃龍湯諸单方治專去其熱取瘥其病喜着十指故與代
指相似人不識之呼作代指不急治之亦逐脉上入臟殺人南
方人得之皆斬去其指初指頭先作黯泡後始腫赤黑黯瘥痛
入心是也

治療疽秘方

射干

甘草

枳實

升麻

乾地黄

黃芩

麝香

前胡

犀角

大黃

麝香

前胡

陸

錢壹

分

分

右十味咬咀以水玖升煮取參升下大黃一沸去滓內麝分

三服瘥止不限劑數此方世所不傳神良外臺無黃芩深師加黃芩麻黃白薇

枳實升麻松葉

射干散 治療疽皮肉中忽生點子如麻豆大或如桃李腫痛

不可忍

射干

川升麻

枳實經炒

川大黃

劉微炒

甘草

生用各壹兩

麝香

細研貳錢半

前胡

去蘆壹兩半

麝羊角屑

柒錢半

右剉碎入麝香令勻每服肆錢水壹中盞煎至陸分去滓不

拘時溫服

丹砂膏

治療疽

丹砂細研

射干

大黃剉

犀角屑

前胡去蘆

升麻

芍藥

黃芩去黑心

沉香

木香各壹兩

生地黄貳兩

麝香壹錢貳分半研

豬脂貳斤半

右除丹砂麝香豬脂外剉碎以醋半升和勻浸一宿先熬脂

令沸次下諸藥煎候地黄赤黑色以綿絞去滓入丹砂麝香

末以柳筥攪勻瓷盒盛備患處日三五上又取棗大以溫酒

調空心日午服一方溫水調下半匙

治瘰疽諸疽十指頭焮赤痛痒方千金翼多豬蹄湯

白芷

大黃

芍藥

黃芩

黃連

甘草

細辛

藥本

當歸

藜蘆

莽草各壹兩

右十一味呖咀以水貳斗先煮豬蹄壹具取壹斗煮藥取伍升浸瘡卽瘥

又方

竈屋塵

竈突墨

釜下土

各壹升

右三味合研令勻以水壹斗煮三沸取汁洗日三四度

治療疽著手足肩背忽發累累如赤豆剝之汁出者方

鯽魚

長參寸者壹尾亂髮雞子大

緒脂

壹升

右三味煎爲膏傅之

又方 熬蕪菁子搗碎布裏展轉傅上良

又方 以麻子熬作末傅上良

又方 以豬膽傅之良

又方 亂髮灰服方寸匕日三亦治發背